

Cyrylski Kowia Augustinus Andreas.

Lopuszyński Joannis Alberti. Exuviae triumphales
eruditae Palladis —

PANEG. et VITAE

Polon. Fol.

№ 178.

I
C
S
r
d

MADE IN U.S.A.
100% COTTON
100% COTTON

EXUVIÆ
TRIUMPHALES
ERV DITÆ PALLADIS,
Perillustrem Clarissimum, & Admodum Reverendum Dominum,
D.M. AUGUSTINUM
ANDREAM
CZYRZYCZKOWIC

Sacrae Theologiae Licentiatum, & Professore, Collegam Major-
rem, Ecclesiarum Collegiatarum S. FLORIANI CANONICVM, Neo-San-
decensis CANCELLARIVM, Contubernij Staringeliani PROVISOREM

Pro eximiis virtutibus, & laboribus in Alma Universitate Cracoviensi
exantlatis,

CONCERNENTES.

Eidemq̃,

14134711

PERILLVSTRI, & REVERENDISSIMO DOMINO,

D.M. MARTINO
WINKLER

Sacrae Theologiae Doctore, & Professore, Collegij Majoris Senio-
re PATRE, Ecclesiarum, Cathedralis Cracoviensis CANONICO, Sando-
miriensis PRÆPOSITO, Kielcensi SCHOLASTICO, CVRATO
Premycoviensi, S. R. M. Secretario.

In Peraugusta Divi Iagellonis Aula,

& in Amplissima Illustrum Hospitum, Ordinumq̃ Academiae Corona,
ritu Solenni,

Sacrae Theologiae DOCTORI renuntiato;

Per IOANNEM ALBERTVM ŁOPVSZYNSKI,

Artium Liberalium, & Philosophiae Baccalaureum.

in vim profundi cultus, & appreciationis,

OBLATÆ.

Anno 1698.



EXUVIÆ
TRIVMPHALES,
ERV DITÆ PALLADIS.

Licet nemo Cyrrham fatiget,
tamen Sapientum oraculo verum est: Palladis Exuvias honorem esse.

Imbellem quidem illa gerit sexum sed virilem animum;
ut totus sibi non sufficiat orbis.

Vna namq; Sapientia mundi imperatrix est:
cui Augustæ ancillant Majestates.

Sapiens uno minor est Iove, dives, liber, honoratus, rex deniq; regum.

Sine ferro abundat auro:
sine metallis, & aureis glebis cumulat dignitates.

Nihil est,

Quod doctior non capiat Pallas;

Palam omnibus omnem eripit palmam.

Certat sine mucrone, triumphat cum acumine.

Exuvijs onusta, & non spoliatur.

Summos refert honores, quos nemini aufert.

Et quidni referat?

Cum etiam sponte.

Ipsas lunatas mortalium cervices in arcus sibi erigat triumphales;
Et unico subnixæ calamo, totam majestatum post se attrahat gravitatem.

Certe

non ita inter aureos fortunæ sinus, enutritus Thymotheus,

Explicatis in Urbium capturam retibus,

pinguiori didicit potiri prædâ;

Quàm Amazon fortissima, Sapientia, triumphalibus gloriatur exuvijs.

Magnis ingenijs ubicunq; est statio, ibi theatrum & plausus.

Quid socia Sapientiæ virtus?

Nullis cum Ditylo in dies fatiatur honoribus.

Benè enim

*Solem dixeris honorem, quem virtus aurora præcedit;
vel si mauis,*

solem dixeris virtutem, cuius umbra est honor.

Patet evidens documentum in Te

Perillustri Clarissime, & Admodum Reverende Domine.

D. M. AVGVSTINE ANDREA

CZYRZYCKOWIC,

Sacræ Theologiæ Doctor, & Professor,

Cuius

Cujus Magno Nomine,
AVGVSTI ne honores, an Nomen Augustis sit dignius honoribus?
Nequit æqua ingenij statera ponderare.
Adhuc in primævo annorum tractu,

Doctorale eiusmodi Ethymon,
Magnum Te designavit Doctorem;
ut absente primo præsentem secundum Orbis conspiceret.

AVGVSTINVM.

Quidni designaverat?
qui cum in aurora esses; jam evidentem virtutum monstrasti meridiem;
Lucere non aliter fuetus; quam tot probitatum claritatem elicere.

Vnde non immerito
tenerior ætas Te optimæ indolis ostenderat Crassum;
vel ipsâ ingenij subtilitate incrassatum.

Toti documento Orbi:
Quod non sola Antiquitas maturos vitâ, & moribus produceret Catones;
etiam nostra sæcula,
in exilibus annis Augustos eximij animi generant AVGVSTINOS.

Ne in admirationem veniat;

Quod hodie Theologicus in Te miratur Honos:
quantâ sapientiæ polleas magnitudine!

In Te adhuc pusillo,
nulla sine gravitate animi levitas:
nulla metienda longanimitas videbatur.
Hoc meruisti tenerior, quo raro donantur adulti.
Tanta, rerum captebas expers, quæ viros fugiunt peritos.
Cum hærentibus in dubio, nunquam cohærebas.
imò ubi errare debueras, rectè procedere consuevisti.

Quot Thurianos, tot socios;
ex omnibus iervilijs, quemlibet habuisti hostem;
Nam virtus laboris amica, hostis desidia.
Verbo: horrendior Tibi non fuerat moles;
quàm si inter molles delitesceres plumas.
Nihil difficilius quàm quiescere.

Ad fugienda otia nemo Te ocyor;
ut laborantes in Tua encomia fatigares Oratores.
Verus inter gloriosiores Stadiodromos Athleta;
cum quibus agonalia in Minervali certasti campo,
plurimorum gloriam agonizare fecisti.

Factus Philosophiæ Baccalaureus,
præter Laureas gloriæ nil collegisti;

ut abundatius, minimè ambizioso proveniret
in Doctoratu Philosophico;

unde Coronam sumeres præmiandus.

Itaq; Stagyrtes alter stetit **DOCTOR.**

Princeps dicereris, nisi Philosophantium Principe,
vel ipsâ injuriâ temporum posterior exstitisses.

Professor Nobilissimus,

nullis unquàm laboribus fessus;

imo Alcides integer,

tandem hodie suppositis humeris Academicum bajulaturus Polum;

& ipsum Sarmaticum Orbem ornaturus.

Scilicet: publicorum bonorum in privatis Gymnasijs studiosissimus;
ita rudiorum adhuc in Nobilibus ànimis expolijsti Minervam;

ut magna Patriæ redderes ornamenta.

Viderant hanc lynce pupillâ in Te Virtutis magnitudinem,

numerosæ Cracij Apollinis Cohortes;

sed non minùs stupere debuerunt;

quòd sub Te Magistro Dignissimo, nullus Magistro
esset indignus Discipulus;

Aut, qui sine observatione virtutis, regulas non addisecret.

Cum fictione, & sine fictione Homerus;

omnibus Tui peperisti invidiam:

ut in arcanis sui pectoris non in gemmeis arcis Tua retinerent verba.

Solutus eloquio Cyneas,

O quot liberos Sarmatiæ Proceres Tuo Nomini fecisti obligatos!

inter quos,

in Arena Gymnastica,

Gemmeam eruditionis, & doctrinæ jecisti sementem.

Diserti Mercurij vix ornatus talarijs exstitisti;

illico dignitariam induere meruisti togam.

Cùm in Logicis,

Quod alijs plerumq; contingens fuit, Tibi necessarium.

Propositio, immortalitas:

Divisio, per Orbem, gloriæ;

Discursus, Nominis elatio, debiti honoris illatio:

Demonstratio certissima Divini cultûs:

Nulla apud Te probabilis virtus; omnes evidenti patuere documento.

Verùm Philosophicam magis condecoraturus Spartam,

Aristotelem præteferens, illius professus es Disciplinam.

Vbi,

cùm Nobilem instruxisses Indolem;

ut con-

ut consumpti minimè indoluit tempori, ita Te maximè doluit:
quoties vel loqui cessasti, vel cessare debueras.

Reminiscitur Virtutis, & Sapientiæ Tuæ,

Inclyta REMISZOWSCIORVM Domus;

Cujus Gentilitias Ceras Tibi vel ideo agnoscis sinceras;
quod suæ Proli Nobilissimæ perennes Eruditionis, & gloriæ
impresseris characteres.

Fatentur Maxima Heliconij Parnassi Decora,
ex ipso Nomine

amantissimi Tui KOCHANOWSCII,

adhibitâ sibi, Tuæ Professionis ferulâ,
qualiter ampliore illorum gloriâ, Lechicam implevisti plagam!
Crediderim, non à feriendo, sed à ferendo gloriam. esse ferulam.

Et quia exemplo Regnantis tota studet militare turba;

Avidior Eruditionis DOCTOR, invidos Tuæ Sapientiæ fecisti studiosos:

Cum Tu celebres referres triumphos;

illi quoq; victrices apprehenderunt palmas.

Itaq; certasti ampliùs gloriosior;

Tertiâ Honoris palmâ semper secundâ potiturus.

Minore Collegio;

ut Sapientum Virorum Maximus evaderes:

Quem,

Illustria Almæ Vniversitatis Numina,

Pietate gravem & meritis conspexerant Virum.

Nam tanta Tibi recti reverentia, quanta Nummæ fuit.

Nervas quiete, comitate Drufones,

Probitate Marcos, Mauricos viceras æquitate.

Ergo vitæ integer, scelerisq; purus,

Meritò Presbyterali cinctus exististi stolâ;

Sanctorum Omnium Canonicus factus.

Quasi ab excelso honore, sublimiores gradus nonnisi consecuturus esses.

Artisticæ Facultatis dignissimus electus Præses,

Illustri honore, sufficiente doctrinâ,

& præesse. & prodesse omnibus studiosius contenderas:

Quodsi Maior commemoretur DOMVS;

ubiq; in sola comparatione,

subtilia hebescere fecisti ingenia.

Acuisti cæterùm ad stuporem illorum mentem;

Qui Tuæ incubuere Disciplinæ.

Vidimus certè totam Physicam Tibi Naturalem fuisse;

Vniversalem Scientiam Metaphysicam, Te singulariter penetrasse.

Quidquid Philosophica exponit Pallas trutinandum;
totum in alto Iudicio fundatum posuisti.

Cumq; latere virtus, quamvis velit non potest:

Nihil potuisti facere quod lateret.

Scilicet: ipsorum apparentium ignarus elenchorum,
nihil habuisti apparens, licet omnia Tua merita meridiano clariùs
apparerent Phæbo.

Quid mirum?

Æternam contemplaturus Veritatem, respuisti fallacias.

Itaq; Sacræ Theologiæ Professor exististi.

ne quid non sanctum in mentem admitteres;

præter Triumphales Exuvias;

quas in area sacrata Palladi meruisti.

Nempe: gloriosissimus in IAGELLONICO Campo Papyrius,

numerosas Encomiorum excedens paginas,

superato ingenii acumine, orbe; penetratis Cælis;

nihil celatum Tibi voluisti habere:

Supremum avidiùs scrutaturus Deum.

Non possunt hîc,

ad Tuæ gloriæ non destinari metam,

stupenda Tua de Prædestinatione Oracula:

illæ sedulæ de Gratia Dei Lectiones;

quàm gratiosum Te universis fecerunt Auditoribus!

ut charus semper suo Orpheo, Thamiræ,

& Herculi Linus, nunquam existeret charior.

Sanè

Legendus toties uniuerso Orbi,

quoties perplexos Moralis Theologiæ Meandros explicâsti.

Licet rebus maximis, difficultatem natura posuerit;

Tibi, à tuta & recta Sapientiæ via deviare negavit.

Sed siste calame!

Satiùs imbellis, ac imbecillis,

venerare Victorem infractum;

Cui Theologica Laurus,

Æternum honorem Palladio peperit triumpho,

Doctorem iam agnosce Theologum;

nec præsumas evolare altiùs, quàm ad pedes.

Triumphales hîc immortalis gloriæ, Honorisq; Exuviæ;

adeo longis acquisitæ laboribus, ut longioris styli exposcant,

D E V G O S I O S.

Ergo felicior in triumphum procede VICTOR.

Pro

Pro Veteranis, ad omnes nutus Tyronem :
Pro Candidatis candidi affectûs, clientem :
imo nunquam Exauctoratum à Tuis mandatis, existima :
dummodo longævus vivas, vincas secula.

MAGISTER DIGNISSIMVS,

Fortunatis Thymotheis magis ter beatior.

DOCTOR NOBILISSIMVS,

Scientiarum Decus, Gemma Eruditionis, Virtutum Nitor.

TRIVMPHATOR GLORIOSISSIMVS.

Gloriæ immortalis Meta, Orbis Academici Fulcrum:

illa superaturus fata ;

quæ neq; Titides, nec Larissæus Achilles,
non longa domuere, secula, nec mille carinæ.



SVB FELICISSIMIS AVSPICIIS,

Magnifici Perillustri & Reverendissimi Domini,

D.M. SEBASTIANI PISKORSKI,

I. V. DOCTORIS, & PROFESSORIS,


Ecclesiarum Cathedralis Cracoviensis & Collegiæ Vielunensis CANONICUS,
SS. Omnium Crac: ARCHIDIACONI, Studij Almæ Universitatis Cracoviensis PROCANCELLARIUS, & Generalis, ac Vigilantissimi

R E C T O R I S.

MAESTER DISMISSVS
DOCTOR NOMINATVS
ET ALIIS
Gloria in excelsis Deo

SVB FIDELISSIMO APOSTOLICO
D.M. SEBASTIANI PISKORSKI
I.V. DOCTORIS & PROFESSORIS
RECTORIS

Biblioteka Jagiellońska



stdr0016637

